

**04 FEBRUARIE**  
**RUGACIUNEA 1**  
**SF.CUVIOS**  
**CHIRIL DE LA NOVOEZERSK**

**Молитва**

О богоизбранный, вышняго града, небеснаго Иерусалима, небесный гражданин, очищенный Духом Святым уме, земный ангеле, небесный человеке, чистаго девства добрый ревнителю, досточуднаго терпения преизящный образе, богохранимое Духа Святаго жилище, доблественный Христов воине, Кирилле преподобне! Проси у Христа Бога, всеблагаго Творца нашего: страждущую страну Российскую от лютых безбожников и власти их да свободит, и да возставит престол православных правителей; верных рабов Его, в скорби и печали день и ночь вопиющих к Нему, многоболезный вопль да услышит и да изведет от погибели живот наш. Испроси же у Господа Бога мир церквам святым, людям же Российским тишину и благоденствие и плодов земных изобилие. Да сохранит же Господь Отечество наше от всех напастей, бед и скорбей, от нападения вражия,

от смертоносных язв и от всякого зла. Нас же, стадо твое, во святых сей обители пребывающее, и всех с верою и любовью ко всечесней раце многоцелебных мощей твоих припадающих и образ подобия твоего любезно целующих, и всех православных христиан к тебе приходящих, молитвами твоими соблюди и ко Христу приведи, Емуже, со Отцем и Святым Духом, подобает всякая слава, честь и поклонение, ныне и присно и во веки веков. Аминь.